

PERBARISAN PEGAWAI MEMERINTAH NO 6 SKUADRON, PU LABUAN

airforce.mil.my/berita/berita-dari-pangkalan/4218-perbarisan-pegawai-memerintah-no-6-skuadron-pu-labuan

LABUAN, 3 Dis 18 - Perbarisan Pegawai Memerintah No 6 Skuadron terdiri daripada 15 pegawai dan 93 anggota lain-lain pangkat yang diketuai oleh Mej Aizzam bin Shaari TUDM dan Pegawai Waran Perbarisan, PW U II Nur Farizal bin Mohd Farid telah diadakan bertempat di hangar Skuadron.

Dalam perbarisan tersebut, Pegawai Memerintah No 6 Skn, Mej Mohamad Syagol bin Abd Hamid TUDM telah menyempurnakan pemakaian pangkat kepada anggota Lain-lain Pangkat iaitu LUK Ragnathan A/L Muniandy.

Semasa ucapan, Pegawai Memerintah No 6 Skuadron, beliau mengucapkan tahniah kepada anggota yang telah dinaikkan pangkat serta berpesan agar terus cemerlang dalam melaksanakan tugas seiring dengan tanggungjawab dan amanah yang diberikan. Selain itu juga, beliau turut menekankan aspek disiplin dan tatatertib para pegawai dan anggota agar sentiasa di tahap yang tinggi serta meletakkan kesetiaan kepada Tentera Udara Diraja Malaysia (TUDM) khususnya, Angkatan Tentera Malaysia (ATM) amnya.

Turut hadir dalam Perbarisan Pegawai Memerintah No 6 Skuadron, Pegawai Laksana No 6 Skn, Mej Nazrul Hafiz TUDM, Ketua Bahagian Kejuruteraan, Mej Mohd Hafifi bin Ismail TUDM, pegawai-pegawai dan anggota LLP No 6 Skuadron.



